

Қазақстан Республикасы Үкіметінің жанында Мемлекеттік қызметтер көрсетуді ұсыну стандарттарын әзірлеу жөніндегі комиссия құру туралы

Күшін жойған

Қазақстан Республикасы Үкіметінің қаулысы 2003 жылғы 28 қаңтар N 102. Күші жойылды - ҚР Үкіметінің 2004.03.20. N 358 қаулысымен.

Қазақстан Республикасы Президентінің жанындағы Құқықтық саясат жөніндегі кеңестің 2002 жылғы 7-8 қарашадағы N 23-12/И-1020 мәжілісі хаттамасының 4-тармағын орындау мақсатында Қазақстан Республикасының Үкіметі қаулы етеді:

1. Қосымшаға сәйкес құрамда Қазақстан Республикасы Үкіметінің жанында Мемлекеттік қызметтер көрсетуді ұсыну стандарттарын әзірлеу жөніндегі комиссия құрылсын.

2. Қоса берілу отырған Қазақстан Республикасы Үкіметінің жанындағы Мемлекеттік қызметтер көрсетуді ұсыну стандарттарын әзірлеу жөніндегі комиссия туралы ереже бекітілсін.

3. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы

Үкіметінің

2003 жылғы 28 қаңтардағы

N 102 қаулысына

қосымша

Қазақстан Республикасы Үкіметінің жанындағы Мемлекеттік қызметтер көрсетуді ұсыну стандарттарын әзірлеу жөніндегі комиссияның құрамы

Мұхаметжанов - Қазақстан Республикасы
Бауыржан Әлімұлы Премьер-Министрінің орынбасары,
төраға

Келімбетов - Қазақстан Республикасының
Қайрат Нематұлы Экономика және бюджеттік
жоспарлау министрі,
төрағаның орынбасары

Тұрысбеков - Қазақстан Республикасы
Зауытбек Қауысбекұлы Мемлекеттік қызмет істері

жөніндегі агенттігінің
төрағасы (келісім бойынша),

төрағаның орынбасары

Қарағұсова

- Қазақстан Республикасының
Еңбек және халықты әлеуметтік

Гүлжан Жанпейісқызы

қорғау министрі

Кәкімжанов

- Қазақстан Республикасының

Зейнолла Халидоллаұлы Қаржы министрі

Ким

- Қазақстан Республикасының

Георгий Владимирович Әділет министрі

Сүлейменов Қайырбек

- Қазақстан Республикасының

Шошанұлы Ішкі істер министрі

Бұлғақбаев

- Қазақстан Республикасы

Болатбек Ақылбайұлы

Қаржы полициясы

агенттігінің төрағасы

Сапарбаев

- Қазақстан Республикасы

Бердібек Мәшбекұлы

Кедендік бақылау

агенттігінің төрағасы

Дауылбаев

- Қазақстан Республикасы Бас

Асхат Қайзоллаұлы

прокурорының орынбасары

(келісім бойынша)

Нұриманов

- Қазақстан Республикасы

Мақсұт Әнуарбекұлы

Ұлттық қауіпсіздік комитеті

төрағасының орынбасары

(келісім бойынша)

Әкімбеков

- Қазақстан Республикасы

Назымбек Қыздарбекұлы

Премьер-Министрінің

Кеңсесі Қорғаныс және

құқықтық тәртіп бөлімінің

меңгерушісі

Егінбаева

- Қазақстан Республикасы

Жанна Дачеровна

Премьер-Министрінің

Кеңсесі Заң бөлімінің

меңгерушісі

Қ а з а қ с т а н Р е с п у б л и к а с ы

Ү к і м е т і н і ң

2003 жылғы 28 қаңтардағы

№ 102 қаулысымен

бекітілген

Қазақстан Республикасы Үкіметінің жанындағы Мемлекеттік қызметтер көрсетуді ұсыну стандарттарын әзірлеу жөніндегі комиссия туралы ереже

1. Жалпы ережелер

1. Қазақстан Республикасы Үкіметінің жанындағы Мемлекеттік қызметтер көрсетуді ұсыну стандарттарын әзірлеу жөніндегі комиссия (бұдан әрі - Комиссия) Қазақстан Республикасы Үкіметінің жанындағы консультативтік-кеңесші орган болып табылады.

2. Комиссия өзінің қызметінде Қазақстан Республикасының Конституциясын және заңдарын, Қазақстан Республикасының Президенті мен Үкіметінің кесімдерін, сондай-ақ осы Ережені басшылыққа алады.

2. Комиссияның негізгі міндеттері, функциялары мен құқықтары

3. Комиссияның негізгі міндеттері мен функциялары:

1) мемлекеттік қызметтер көрсету тізбелері мен оларды ұсыну стандарттарын , сондай-ақ әкімшілік рәсімдерді регламенттейтін және оңайлататын тиісті нұсқаулықтарды әзірлеу және бекіту;

2) құқық қорғау органдарында мемлекеттік қызмет өткеру тәртібі туралы заңнаманы жетілдіру жөніндегі ұсыныстарды әзірлеу болып табылады.

4. Комиссия жүктелген міндеттерді іске асыру мақсатында заңнамада белгіленген тәртіппен:

1) тиісті мемлекеттік органдардың, үкіметтік емес ұйымдардың өкілдерін, азаматтарды қатыстырып, тақырыптық мәжілістер өткізуге;

2) Комиссиядағы жұмыс үшін ғалымдар, қоғамның белсенді өкілдері, мемлекеттік басқару органдары өкілдері қатарынан сарапшылар мен консультанттарды және өзге де мамандарды тартуға;

3) орталық және жергілікті мемлекеттік органдардан қажетті ақпаратты, талдамалық, анықтамалық-статистикалық материалдарды, сондай-ақ ведомстволық құқықтық кесімдерді алуға;

4) үкіметтік емес ұйымдар мен азаматтардың мемлекеттік қызметтер көрсету стандарттарын әзірлеу мәселелері жөнінде ұсыныстар мен ескертулерді есепке алуды жүзеге асыруға құқылы.

3. Комиссияның қызметін ұйымдастыру

5. Комиссияны оның қызметіне басшылық жасайтын, Комиссияның мәжілістерінде төрағалық ететін, оның жұмысын жоспарлайтын, оның

шешімдерінің іске асырылуына жалпы бақылауды жүзеге асыратын және Комиссия жүзеге асыратын қызметке жауап беретін төраға басқарады. Төраға болмаған уақытта оның функцияларын орынбасары орындайды.

6. Мемлекеттік органдардан Комиссияның құрамына мемлекеттік орган бірінші басшысының немесе басшы орынбасарының деңгейінде мәртебесі бар өкілдері кіреді.

7. Комиссияның жұмыс органының функциялары Қазақстан Республикасының Мемлекеттік қызмет істері жөніндегі агенттігіне (келісім бойынша) жүктеледі.

8. Комиссияның жұмыс органы:

- 1) Комиссия мәжілісінің күн тәртібін қалыптастырады;
- 2) Комиссия шешімдерінің орындалуын қамтамасыз етеді және бақылайды;
- 3) Комиссия мүшелерінің және оның қызметіне тартылған мамандардың жұмысын үйлестіреді.

9. Комиссия мәжілістерінде қарауға арналған мәселелер тізбесі қажеттілігіне қарай жасалады және оны төраға бекітеді.

10. Бекітілген тізбе Комиссия мүшелеріне тізім бойынша жөнелтіледі.

11. Комиссия мәжілісінің нәтижелері бойынша төраға қол қоятын хаттама жасалады. Комиссия шешімдері ашық дауыс беру жолымен қарапайым көпшілік дауыспен қабылданады және егер олар үшін Комиссия мүшелерінің жалпы санының көпшілігі дауыс берсе, қабылданды деп саналады. Дауыстар тең болған жағдайда төраға дауыс берген шешім қабылданды деп саналады.

12. Комиссияның шешімі ұсынымдық сипатта болады.

13. Комиссия мүшелерінің айрықша пікірге құқығы бар, ол білдірілген жағдайда жазбаша түрде баяндалуы және Комиссия мәжілісінің хаттамасына қоса берілуі тиіс.

14. Комиссия мәжілісі қажеттілігіне қарай, бірақ тоқсанына бір реттен сиретпей өткізіледі және оны төраға шақырады. Шұғыл шешім қабылдау қажет болған жағдайларда төрағаның шақыруы бойынша Комиссияның кезектен тыс мәжілісі өткізілуі мүмкін.

15. Төрағаның шақыруы бойынша Комиссияның мәжілісіне, сондай-ақ ұсыныстары қаралатын мүдделі мемлекеттік органдардың, үкіметтік емес ұйымдардың басшылары мен басқа да лауазымды тұлғалары қатыса алады.